



## FODHLÍTHE CHOMHAIRLE CATHRACH BHAILE ÁTHA CLIATH UM RIALÚ PÁIRCEÁLA - COINNIOLLACHA

1. Is féidir leis an gComhairle Cathrach cead páirceála cónaitheora a eisiúint le dhá uimhir clárúcháin ar a mhéid ar an gcead, le haghaidh beirt gharbhall teaghlaigh neamhchónaitheacha a fheidhmíonn mar chúraimeoirí deonacha don chónaitheoir a bhfuil a g(h)náthionad cónaithe i gcrios ceada páirceála do chónaitheoirí agus a éilíonn cúram leanúnach laethúil i leith breoiteachta ainsealaigh. Eiseofar cead páirceála an chónaitheora, i.e. cead speisialta, gach bliain, faoi réir deimhnú(-nithe) árachais garbha(i)ll teaghlaigh a bheith curtha ar fáil maraon le deimhniú scríofa ó dhochtúir an chónaitheora go bhfuil cúram leanúnach laethúil de dhíth ar an gcónaitheoir de bharr breoiteachta ainsealaigh.
2. Eisítear cead speisialta i leith an aonaid tithíochta ina gcónaíonn an cónaitheoir a éilíonn cúram leanúnach laethúil, ar choinníoll nach rachfar thar an uasmhéid cead páirceála atá ineisithe faoi na fodhlithe seo don aonad tithíochta.
3. Ciallaíonn garbhall teaghlaigh, céile, athair, máthair, deartháir, deirfiúr, mac, iníon, neacht, nia, aintín nó uncail.
4. Ciallaíonn feithicil incháilithe, (a) feithicil paisinéara le cóiríocht paisinéara ann do líon nach mó ná dáréag, lasmuigh den tiománaí, agus gan leantóir ná feithicil eile a tharraing aici, agus (b) feithicil earraí nach mó a meáchan gan lasta ná 3 thonna, agus gan leantóir ná feithicil eile á tarraing aici.
5. Níl ceadanna speisialta ineisithe do chónaitheoirí i mbloic árasáin comhdhéanta de níos mó ná 4 aonad tithíochta i gcrios móréilimh.
6. Táilí: €400 do 1 bhliain amháin má tá níos mó ná 4 aonad tithíochta i bhfoirgneamh an chónaitheora, páirceáil sheachbhóthair ar fáil aige, agus é suite i gcrios íoséilimh (tithe athchóirithe agus bloic árasáin san áireamh)  
€400 do 1 bhliain amháin sa chás gur teach athchóirithe é foirgneamh an chónaitheora, agus níos mó ná 4 aonad tithíochta ann, páirceáil sheachbhóthair ar fáil aige agus é suite i gcrios móréilimh €50 do 1 bhliain amháin do ghach cás incháilithe eile nach bhfuil clúdaithe sa dhá chatagóir thuas.
7. Nuair atá níos mó ná 4 aonad tithíochta i dteach athchóirithe agus é suite i gcrios móréilimh, is é 4 chead cónaitheoirí an teidlíocht fhoriomlán don fhoirgneamh sin, nó is é an cuóta ceadanna an teidlíocht fhoriomlán don fhoirgneamh sin (más infheidhme) más mó é, faoi réir 1 chead cónaitheora in aghaidh gach aonaid tithíochta.
8. Ciallaíonn cuóta ceadanna an líon iomlán de cheadanna páirceála cónaitheoirí a bhí i seilbh ag cónaitheoirí i dteach athchóirithe, ina bhfuil níos mó ná 4 aonad tithíochta, ar 31 Márta 2004.
9. Níl cead speisialta bailí ach amháin don fheithicil agus don tsráid/do na sráideanna ceada páirceála a thaispeántar ar an gcead.
10. Cé go n-eisíonn an Chomhairle Cathrach fógra athnuachana do gach sealbhóir ceada, is é an sealbhóir ceada féin atá freagrach as athnuachan gach cead speisialta i.e. ball teaghlaigh neamhchónaitheach.
11. Cealóidh agus aistarraingeoidh an Chomhairle Cathrach nó diúltóidh sí athnuachan ar an gcead speisialta atá ag aon sealbhóir, má chinntear go bhfuair an sealbhóir ceada an cead sin trí fhaisnéis nó doiciméadú míchruinn a thabhairt.
12. Ní thugann seilbh ceada páirceála cónaitheora ráthaíocht do shealbhóirí go mbeidh spás páirceála acu i gcónaí ar bhóthar/bhóithre an cheada páirceála.

### DOCIMÉADÚ LE CUR ISTEACH LEIS AN IARRATAS SEO

13. Dearbhú scríofa ó dhochtúir an chónaitheora go bhfuil cúram leanúnach laethúil de dhíth ar an gcónaitheoir i leith breoiteachta ainsealaigh.
14. Ní mór duit 2 fhianaise cónaithe reatha mhalartacha (i.e. dátaithe laistigh den 3 mhí deiridh) a sholáthar a bhfuil d'ainm agus do sheoladh orthu, e.g. Bille ón mBord Gáis, ó Eircom (teileafón), BSL nó UPC; ráiteas Bainc, cárta creidmheasa nó comhair creidmheasa; bille ó Phonewatch nó Ceadúnas Teilifíse. Ní ghlacann an Chomhairle Cathrach le billí neamhtheaghlaigh nó le billí d'fhón póca.
15. Cóip de Dheimhniú Árachais reatha an bhaill teaghlaigh neamhchónaitheach don fheithicil lena (h)ainm, a s(h)eoladh agus uimhir clárúcháin feithicle, agus cóip dá c(h)eadúnas tiomána reatha.

Tabhair faoi deara nach nglacfaidh an Chomhairle Cathrach leo seo a leanas: Deimhnithe Árachais sealadach, cártaí mótar-árachais Ildirnáisiúnta ("cártaí glasa"); dioscanna árachais; sceidil árachais; fógraí athnuachana árachais; admhálacha agus litreacha in áit an Deimhnithe Árachais.